



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 4. Culemburgici Comitis ædes Albani Ducis jussu solo æquatæ.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

versitate, ubi studiis vacabat, evocavit, eumque primo Antverpam, & postea in Hispaniam misit, ubi diu, nullatenus tamen tanquam captivus, morabatur, cum, prout obtendebatur, illum Religionis Catholicæ præceptis imbui necessarium esset.

Sæcul. XVI.
A.C. 1568.

§. IV.

Culeburgici Comitis ædes Albani Ducis jussu solo æquatæ.

Culeburgici Comitis poena usque ad ipsius Palatium extendebatur: illud enim, cum in eo Albæ Dux Bruxellas veniens diversaretur, die vigesima octava Maji funditus excindi jussit, eoquod istud quondam Geuisii nominis natalis domus fuisset: porro illius excidium erat decretum a duodecim-virali Concilio. Postmodum in loco, in quo antea hoc palatium exstructum erat, lapidibus sternebatur excitata ibidem marmorea columna, cui in basi hæc quatuor linguarum inscriptio insculpta legebatur: „*Ea in area ædes Florentii Pallantii solo æquatæ sunt, ob execrandam memoriam repetitæ in illis conjurationis adversus Religionem, Ecclesiam Catholicam Romanam, Regiam Majestatem, ac patrias Regiones.*” Verum majorem adhuc populis terrorem incussit fama, qua nuntiatum, quod Montinii Baro ab

Strada l. 7.
Thuan. l. c.

Sæcul XVI.
A. C. 1568.

Archiducissa Margarita Parmensi ad Philippum II. in Hispaniam ablegatus in Segovianum carcerem jussu Regis fuisset abductus, eoquod huic eadem, quæ Hornio Comiti ejus Fratri, objecta fuissent, studioque immoderato Belgis suum patrocinium impendisset.

Attamen magis adhuc Belgæ terrebantur, cum nuntiatum esset, Carolum Hispaniæ Regis Filium a Philippo Patre suo custodiri jussum: juvenis enim hic Princeps tum nonnisi viginti tres annos natus tam ingentem ambitionem, tamque violentum regnandi desiderium prodebat, ut ejus hostes Regi Patri suo suspicionem ingererent, perinde ac si clam ex Hispania secedere, ac Belgii rebellibus, a quibus in præfenti rerum vicissitudine abs dubio tanquam eorum Rex fuisset proclamatus, se adungere meditaretur; hujus autem perversi consilii luculenta prorsus argumenta haud deesse existimabat Philippus: præterea idem Rex sibi persuasum habebat, quod Carolus ejus vitæ infidiaretur, ac nimia cum Regina familiaritate uteretur, atque ab eadem mutui amoris signa recepisset; insuper ex ejusdem Principis ore incautius ejusmodi verba excidebant, quibus sacrae Inquisitioni timendi ansam præbebat, ne Regni administrationem adeptus,
hoc

Sæcul. XVI.
A.C. 1568.

hoc tribunal supprimeret: porro id ei potissimum crimini dabatur; leviora enim adhuc scelera quempiam hujus Curia oculis suspectum reddere possunt: equidem haud diffitemur, quod Carolus Reginae venustate excæcatus, dissimulare non potuerit indignationem in Patrem suum conceptam, eoquod ei illam eripuisset, etsi ipsemet antea eandem filio suo destinasset, istaque pro eodem in conjugem fuisset expetita: unde Zelotypia stimuli, necnon Inquisitorum sollicitationes tantopere Philippi animum turbabant, ut in Filium suum extrema severitate ageret, suumque propositum cum hæreticæ pravitatis Inquisitoribus conferret, qui eidem etiam demonstrabant, quod Religionis bono Filii sui amorem postponeret: præterea iidem etiam Philippo exponebant, quod abs dubio vera fides in Belgio penitus sit exterminanda, si Carolus ibidem Protestantium agmina ducturus esset: itaque Philippus nimis credulus, atque animi sui vehementia abreptus Principem Filium suum capi, eique venenum propinari præcepit, quo etiam paucis post mensibus extinctus est: eodem quoque fato Regina tum gravida nonnisi viginti annos nata decessit, sparso rumore, quod

Q 4 malo

Sæcul. XVI. malo ex graviditate suborto repentina
 A.C. 1568. morte fuisset sublata (*).

S. V.

(*) Quam nequiter Continuator Scrip-
 tores, quos allegat, depravare solet, hic
 paragrahus luculenter testatum reddit: scri-
 bit I. tanquam rem certam, quod Regina il-
 licita familiaritate cum Carolo usa fuerit, et
 que exinde Philippus ob Zelotypiam Filio, ad
 uxori venenum propinari jusserit, cum ta-
 men Thuanus auctor coævus id asserere ab-
 horrens subjungat: *dein Elisabetha privignam
 secuta est non sine suspitione veneni, rumore
 vulgato, virum familiarem nimium ipsius cum
 filio consuetudinem secus, quam oportuit, inter-
 pretatum esse: ingens tamen in aula, totaque
 adeo Hispania nec simulatus luctus facile con-
 trarium evicit; cum & Rex dilectissimam con-
 jugem ereptam, & populi firmissimum pacis
 vinculum morte Reginae, quam propterea In-
 nam vocabant, solutum dolerent.*

Insuper Strada, quem itidem Continuator
 allegat, hæc Filii, & uxoris crimina, nec
 non & cetera, quæ ipse tanquam minime du-
 bia profert, inter falsa, mereque convicta re-
 censet, dicens: *scio hæc, uti enarrata sunt
 a me, non placitura iis, qui atrociora quæque
 avide arripiunt, sine ullo veri, falsive respectu
 quorum si palato servire curæ mihi foret: in
 promptu erat Maurorum tumultus, tanquam*
 exci-